



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

Constitutio De Abbatissis & alijs monasteriorum Monialium Præfectis, non  
ultra triennium per uniuersam Italiam in futurum eligendis.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

impediti pugna non commiserint, si per ipsos non steterit, quominus illa committatur. Non obstantibus priuilegijs, immunitatibus, & exemptionibus tamen, & alijs sanctionibus Apostolicis, ac de re disponentibus in suo robore duraturis. Dat. Romæ apud Sanctum Petrum Anno Incarnationis Dominicæ. M D LXXXII. Non. Decembris, Pontificatus nostri anno Vndecimo.

M. Datarius.

Cæs. Glorierius.

A. de Alexijs.

Anno à Natiuitate Domini Millesimo quingentesimo octuagesimo secundo, indictione Decima, die uero Veneris uigesima quarta mensis Decembris, Pontificatus Sanctissimi in Christo Patris, & Domini nostri Domini Gregori diuina prouidentia Papæ XIII. anno undecimo, retrospectæ literæ Apostolicæ affixæ, & publicatæ fuerunt ad ualvas Ecclesiæ Sancti Io. Lateranen. Basilicæ Principis Apostolorum de Vrbe, Cancellariæ Apostolicæ, & in acie Campi Floræ per nos Petrum Aloysium Gaytam, & Nicolaum Tallietum Apostolicos Cur. Pet. Delbequez Magister Cur.

Publicatæ Mediolani die x. Martij. M D LXXXIII.

M. Ant. Bellinus Cancell. Archiepisc.

**CONSTITVTIO DE ABBATISSIS**  
& alijs monasteriorum Monialium Præfectis, non  
ultra triennium per uniuersam Italiam  
in futurum eligendis.

**GREGORIUS PAPA XIII.**  
*Ad perpetuam rei memoriam.*



Xposcit debitum pastoralis officij quod disponente Domino gerimus, ut ad ea sollicitè intendamus, per quæ Monasteria. & alia religiosa loca, præsertim Deo dicatarum Sanctimonialium, secundum regularis discipline normam regantur, & gubernentur. Perpendentes igitur uaria, & multiplicia damna, quibus plerumque afficiuntur Monasteria Monialium, quæ per Abbatis, uel alias Præfectas perpetuas reguntur,

O o o      cōtra

è contra uero Abbatissas, & alias Præfectas triennales scientes se lapsò  
 triennio suæ administrationis rationem esse reddituras, ac sperantes  
 de bene gestis laudem promereri, pœnam uero, si male gesserint, me-  
 tuentes, maiori studio, ac diligentia regimen, & administrationē Mo-  
 nasteriorum sibi commissorum gerere. His, & alijs rationabilibus cau-  
 sis adducti, hac nostra perpetuo ualitura constitutione statuimus, & or-  
 dinamus, quod de cætero perpetuis futuris temporibus in omnibus,  
 & singulis Monasterijs Monialium Sancti Benedicti, Cisterciensium, Car-  
 thusien. & aliorum quorumcunq; ordinum in uniuersa Italia, & præ-  
 fertim in utriusque Sicilię Regnis consistentibus, quæ nunc per Abba-  
 tissas, uel alias Præfectas perpetuas reguntur, & gubernantur, cum pri-  
 mum Abbatissæ, aut aliæ Præfectæ huiusmodi regimini, & administra-  
 tioni ipsorum Monasteriorum cesserint, etiam apud Sedem Apostoli-  
 cam, uel decesserint, eorum Abbatissatus, seu Præfecturas uacare conti-  
 gerit, Abbatissæ, aut alię Præfectæ non amplius perpetuę, seu ad uitam  
 (quarum nomen, ac titulum, ex nunc prout ex tunc Apostolica aucto-  
 ritate ex certa nostra scientia, deque Apostolicę potestatis plenitudine  
 tenore præsentium perpetuo extinguimus, & abolemus) sed trienna-  
 les tantum à Conuentu uniuscuiusque Monasterij, & alias iuxta decre-  
 ta sacri Concilij Tridentini, & regularia suorum ordinum instituta  
 eligantur, & præficiantur, quæ postmodum elapso triennio, suis offi-  
 cijs perfunctę, præesse desinant, omnique prorsus careant auctoritate,  
 ac a regimine & administratione Monasterij per triennium à die fini-  
 tæ administrationis inchoandum ablineant, quo elapso, seruata eadē  
 forma Concilij Tridentini, iterum, & pluries eligi possint. Districtius  
 inhibentes omnibus, & singulis dictorum Monasteriorum Conuen-  
 tibus, Superioribus, & personis, ne aliquam Abbatissam, aut aliã Præ-  
 fectam perpetuam, seu ad uitam, sed triennalem tantum eligere, & præ-  
 ficere ullo modo audeant, uel præsumant. Quod si secus à quoquam  
 quauis auctoritate fuerit attentatum, Electionem, & Præfectionem hu-  
 iusmodi, ac omnia, & singula, quæ inde sequentur, irrita, nulla, & ina-  
 nia, nulliusque roboris, uel momenti fore: Sicque per quoscumque iu-  
 dices ordinarios, & delegatos quauis auctoritate fungentes, etiam cau-  
 sarū Palatij Apostolici Auditores, ac Sanctæ Romanę Ecclesię Cardi-  
 nales, sublata eis, & eorum cuilibet quauis aliter iudicandi, & inter-  
 pretandi facultate, & auctoritate, in quauis causa, & instantia iudicari,  
 & diffiniri debere decernimus. Non obstantibus constitutionibus, &  
 ordinationibus Apostolicis, ac dictorum Monasteriorum, & ordinum  
 iuramento, confirmatione Apostolica, uel quauis firmitate alia robo-  
 ris statutis, & consuetudinibus, priuilegijs, quoq; indulg. & literis Apo-  
 stolicis eidem Monasterijs, eorumque Superioribus, & personis sub  
 quouscunq;

quibuscunque tenoribus, & formis, ac cum quibusvis clausulis, & decretis in genere, uel in specie, alias in contrarium quomodolibet concessis, confirmatis, & innouatis. Quibus omnibus, & singulis eorum tenores, ac si ad uerbum infererentur presentibus, pro sufficienter expressis habentes, illis alias in suo robore permanfuris, hac uice dumtaxat specialiter, & expresse derogamus, ceterisque contrarijs quibuscunque. Ceterum quia difficile foret presentes nostras ad singula queque loca, ubi necessarium fuerit deferre, uolumus quod illarum trāsumptis manu alicuius Notarij publici subscriptis, & sigillo alicuius persone in dignitate Ecclesiastica constitute munitis, eadem prorsus fides in iudicio, & extra adhibeatur, que presentibus adhiberetur, si foret exhibitę, uel ostensę. Dat. Romę apud Sanctum Petrum, sub annulo Piscatoris, die prima Ianuarij. M D LXX XIII. Pontificatus Nostri Anno Vndecimo.

Cæs. Glotierius.

Anno à Natiuitate Domini millesimo quingentesimo octuagesimo tertio, in dictione undecima, die uero quarta Mensis Ianuarij, Pontificatus Sanctissimi Domini nostri Domini Gregorij diuina prouidentia Papę Decimertij, Anno vndecimo, retroscriptę litterę affixę, & publicatę fuerunt in acie campi Florę dimissa eorum copia auscultata, & collationata cum dictis literis in ualuis eiusdem aciei affixę per me Ioannem Freile, curf. S.D.N. Papę.

Petrus Delbequez Magister Curf.

**I**llustris. & Reuerendis. in Christo Pater, & D. D. Carolus S. R. E. Cardinalis tit. S. Praxed. S. Eccl. Mediol. Archiepiscopus, ubi primum hanc S.D.N. constitutionem accepit, ut omnibus ad quos spectat innotescat, primum Mediolani imprimi, tum Basilicę Metropolitanę, ac eorum Archiepiscopalium ualuis, alijsq; locis solitis publicę affigi, & ad Ruerendis. Dom. Episcopos comprouinciales mitti, omnibusq; & singulis Monasteriorum monialium conuentibus in hac Ciuitate, & Dicecesi Mediolanensi consistētibus, & illis superioribus regularibus, hic aliquam eiusmodi Monasteriorum curam habentibus eorum singulis dimisso exemplo autentico, solito Archiepiscopali sigillo Sancti Ambrosij communito, inūmari mandauit. In quorum omnium fidem, & attestationem, ego Cancell. Archiepiscopalis in frascriptus manu mea subscripsi. Ex Cancellaria Archiepiscopali die x. Februarij. M D LXX XIII.

M. Ant. Bellinus Cancell. Archiep.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.